

ՄԵՐԶԱՎՈՐ ԵՎ ՄԻՋԻՆ ԱՐԵՎԵԼՔԻ ԵՐԿՐՆԵՐԻ
ՊԱՏՄՈՒԹՅԱՆ ՀԱՐՅԵՐ

ԼՈՐԵՏԱ ԴԱՆԵՂՅԱՆ

ԵՂԻԱ ՄՈՒՇԵՂՅԱՆԻ ՌՈՒՍԱԿԱՆ ԿՈՂՄՆՈՐՈՇՄԱՆ ԶԱՏԱԳՈՎ

Ավելի քան երկու և կես դար է բաժանում մեզ այն փոթորկալի խրադարձություններից, որոնցով լի էր XVIII դ. առաջին բառորդում Պարսկաստանում հասարակական-քաղաքական գործունեություն ծավալած վրասական Եղիա Մուշեղյանի կյանքը:

Գիտական շրջանակներին որոշակիորեն ծանոթ է այդ անունը: Եվ դա՝ շնորհիվ նրա ծավալուն դիվանի, որը մի օր հայտնվեց Ռուսաստանում՝ Արտաքին գործոց նախարարության արխիվում հանդիպանելու¹, նաև շնորհիվ այդ բաղմաբեղուն փորձի թողած հուշամատյանի², որ գրվեց նրա ծննդավայրում՝ Կաբինում և ի վերջո հայտնվեց Վիեննայի Մխիթարյան մատենադարանում:

Հիշյալ դիվանին ի մոտո ծանոթությունն ի հայտ է բերում Եղիա Մուշեղյանի կյանքի ու գործունեության խորքերը բացահայտող տեղեկությունների նորանոր շերտեր և, առաջին հերթին, նրա հանելուկային բանտարկության պատճառները, ընթացքն ու ավարտը: Այստեղ պահպանվող բազում նյութերի մեջ կա մի մեծադիր թղթապանակ (331 թերթից բաղկացած), որն իրենից ներկայացնում է Եղիա Մուշեղյանի բանտարկության (կամ մեղադրական) գործը³: Այն սկսվում է դեմբալ-մայոր իշխան Տրուբեցկոյի՝ 1724 թ. մարտի 15-ի զեկույցով, որն Արտաքին գործոց կոլեգիային իրավել է դարձնում Մուշեղյանի դիվանագիտական անձնակազմի՝ Աստրախանի ժամանելու մասին: Հայտնվում է, որ Պարսկաստանից «Գիլանի վրայով ծովով Աստրախան է եկել ֆրանսիացի կապուլին 11 մարդկանց հետ, որոնց թվում են՝ վրացիներ, հայեր ու պարսիկներ...»⁴: Զեկույցին հետևում են մի շարք պաշտոնական գրություններ և, ի վերջո, 1724 թ. մայիսի 15-ի ճնորին կայսերական մեծու-

թյան հրովարտակը», որով ցուցում էր տրվում «հիշյալ կապուլինին և նրան ռեկերակցող մարդկանց Աստրախանից տեղափոխել Մոսկվա, ապա՝ Ս. Պետերբուրգ»⁵։ Եվ դրանով էլ սկսվում է Եղիա Մուշեղյանի կյանքից 12 տարի խլած ուսաստանյան փուլի գողգոթան՝ հարցաքննությունների, վկայությունների, գրագրությունների, դեկույցների, ցուցմունքների շղթան, բանտարկություն, աքսոր և ի վերջո՝ արդարացում և ազատում։ Ռուսական իշխանությունները վերջապես հասկացան, համոզվեցին, որ Եղիա Մուշեղյանը ոչ թե լրտես է, գաղտնի գործակալ, ինչպես զրպարտությունը ներկայացրել էին նրան, այլ ընդամենը Պարսկաստանից Եվրոպա էր ուղևորվել հատուկ առաքելությամբ, որի նպատակն էր Սեֆյան նորոնծաշահ Թահմասպի ուղեծանները հանձնելու Ֆրանսիայի թաղավոր Լյուդովիկոս XV-ին, ավստրիական կայսր Կարլոս VI-ին և Հռոմի Ինոկենտիոս պապին։

Եղիային ամբաստանել էին մի քանի հոգի նրա շրջապատից՝ սկսած Ռուսաստանում սլաքից դեսպան Իսմաիլ-բեկից մինչև իր մտերիմ պատրի Հովհաննեսը, որը պատվիրակության կազմում էր և բավականին գործունյա գերակատար։

Խնդրո առարկա թեմային առնչվող շատ հարցերի լուսարանման համար հարկ կա անդրադառնալու Մուշեղյանի ինչպես քաղաքական հայացքներին, այնպես և կաթոլիկ հայերի, պարսից պաշտոնյաների, պարսկահայ համայնքի, իր տնօրեն ֆրանսիացի Բորեգարի և այլոց հետ փոխհարաբերություններին։

Հայտնի է, որ Եղիա Մուշեղյանը մեծացել է Կարինի կաթոլիկ կրոնավորների շրջապատում, որոնց հետ իր կապերը չի խզել նաև ծննդավայրից հեռանալուց հետո՝ և՛ տասնամյա աստանդական կյանքի ընթացքում, և՛ 1717 թ. հետո, երբ հանգրվաժնեց Պարսկաստանում (Թավրիզում)⁶։

Շնորհիվ այն բանի, որ առևտրական գործունեությանը զուգընթաց Եղիան ապրում էր ակտիվ հասարակական կյանքով և մեծ հեղինակություն ուներ շրջապատում, բարենպաստ հող է ստեղծվում նրա համար՝ իր եռանդն ու կապերն ի սպաս լինելու Պարսկաստանում հաստատված եվրոպական կաթոլիկ միսիոներական կազմակերպությունների ներկայացուցիչների առջև ծառացած խնդիրների լուծմանը։ Դա են հավաստում Մուշեղյանի դիվանի մի շարք վավերագրեր։ Մեծ է նրա ավանդը հատկապես Գանձակի կաթոլիկների վիճակի բարելավման գործում, իսկ Ապարներ գյուղի կաթոլիկ

համայնքն ամբողջովին ապավինել էր Եղիային (նամակ 90, 119)՝ Համակրանքը եղել է փոխադարձ, և կապուչիները սիրով արձագանքել են Եղիայի օգնության կանչերին՝ դժվարին կացության պահերին, մասնավորապես, հյուրընկալելով նրան 1722 թ. քաղաքական փոթորկուն իրադարձություններից հետո, երբ Եղիան կացարան չուներ, կամ, ապաքինելով նրան, երբ Սպահանում հիվանդանալով և իր տնօրեն Բորեգարի կողմից անուշադրության մատնվելով, Եղիան տեղափոխվում է Նոր Զուղա՝ Հիսուսյանների վանք (նամակ 114)։

Սակայն նման փոխհարաբերությունները չէին կարող անհետևանք մնալ և ենթադրում էին Պարսկաստանում կաթոլիկությանն ընդդիմադիր լուսավորչականների անբարյացակամ մոտեցում կաթոլիկության նվիրյալ Եղիայի նկատմամբ։ Պատմական հանրահայտ փաստ է, թե հայ համայնքը մշտապես որպիսի դիմադրություն է ցույց տվել կաթոլիկության քարոզչությանը, որքան ջանքեր է դործադրել պապականությունը հարյուրամյակներ շարունակ իր ազդեցության ոլորտը ներգրավելու լուսավորչական հայերի։ (հիշենք, թեկուղ, կարմեխիտներին)։ Ուստի վերջիններիս մոտ անհաշտ տոնայնության հոգեբանություն է մշակվել կաթոլիկների նկատմամբ, որոնց շուրջ ստեղծում էին անհանդուրժողության մթնոլորտ, անհաշտության մատնելով կաթոլիկների ոտնձգությունների յուրօրինակ փորձ։ Կասկածից վեր է, որ նույնպիսին էր վերաբերմունքը Եղիայի նկատմամբ։ Ուրեմն և, սլաոահական շին նրա և սլարսկահայ համայնքի միջև լարվածության այն նոտաները, որոնք սովա են նամակներում։ Հորդորելով Նոր Զուղայում հաստատված կաթոլիկ քահանա Տեր-Մելքոնին հեռանալ այնտեղից և ղնալ Բաղդադ, Եղիան գրում է. «Զուղայեցուց խօսքն և ուխտն և քորիստոնեութիւնն չէ կատարեալ» (նամակ 50), և դա այն պատճառով, որ ջուղայեցիներին կաթոլիկություն պատվաստելու փորձն անհաջողության էր մատնվել։ Այսպիսով, Եղիա Մուշեղյան-հայ համայնք հարաբերությունները ոչ մի գրավիչ բան չունեին Եղիայի համար։ Այս պարագան պարզորոշ արտահայտված ենք գտնում իր տնօրենին՝ Բորեգարին ուղղված նրա նամակներում. դրանք ցավով ու զայրույթով տոգորված նամակներ են. «Մեր մահլի հայերն կամին թշնամութիւն անել և ոչ են վախում» (նամակ 77), ապա՝ որ հայերը մի առիթ են փնտրում, որ իրեն վիրավորեն...։ Եվ իբրև այս և համանման տվյալաբանների գազաթնակետ, Եղիան գրում

է. «Ես էլ կարել չեմ դիմանալ» (նամակ 78): Մի այլ նամակում. «Ես էրվեցաւ էս բաղաքն... Օրըստորէ նոր նոր բաներ կանեն իմ գըլխուս...» (նամակ 81):

Այսպիսով, ի սեր կաթոլիկության Եղիան դառնում է նրա ղոհը (բայց բանն այն է, որ այսպիսի նվիրվածությունից հետո Եղիան հիասթափվելու է կաթոլիկներից, լրիվ շրջադարձ կատարելով. իր մաշկի վրա զգալով մտերիմ պատրիսների դավաճանությունը):

Սակայն Մուշեղյանը խնդիրներ ուներ նաև ապառիկ առևտրից ղոտվող ղնորդների տալիք գումարները ստանալու հարցում, որը հարատև հոգսի առարկա էր և ստիպում էր օժանդակություն փնտրել այլևայլ սլաշտոնյանների մոտ. հատկապես բարձրաստիճան իշխանաւորների օգնությունն օգի պէս կարևոր էր վաճառականի համար այս հարցում: Այդ է պատճառը, որ Եղիան և Բորնգարր ուշիուշով հետևում էին, թե ով է լինելու նոր խանը, քանի որ հիմնականում նրան էին դիմում սլարտբահաւաքման դժվարին ղործը կաղմակերպելու համար (նամակ 82): Իրենց հերթին, պաշտոնատար անձինք (անշուշտ, շահագիտական նպատակներով) ձգտում էին մեծահարուստ վաճառականության հետ շփումներ ունենալ, մանավանդ, Արևելահայկական ընկերության ներկայացուցիչների, ասել է թե՛ Մուշեղյանի հետ: Արդյունքը ղոհացուցիչ էր երկուստեք, և նամակները սլատմում են այն ընծաների մասին, որ ստանում էին նրանք միմյանցից (նամակ 100...):

Սակայն գոյություն ուներ մեղալի հակառակ երեսը. Եղիայի դիվանի առևտրական տարաբնույթ վավերագրերը, մասնավորապէս, սլարտբահաւորակները վկայում են, որ Պարսկաստանի Ֆեղդալներից շատերը մեծ գումարներ էին սլարտը հայ վաճառականներին: Վերջիններս մեծ հուսեր էին կոսլում խանի հետ, որքան էլ նրա օղնությունը սլարտքերի հավաքման ղործում թանկ էր նստում իրենց վրա: Դործն աւելի էր դժվարանում, երբ փոխհատուցման տուրևառում խանն ինքն էր վերածվում շարքային սլարտապանի, որից դրամ ղանձելու գործը պետք է իրականացվեր արղեն բարձրաստիճան մարմինների օգնությամբ: «Ակար (եթե) դիմանաս, դրում է Բորնգարր Եղիային, թէ խանն Ֆիքը շանէ մեր փողին հասուցանել ե ինքն փողն ղի տայ, որ մեղ տայու ա, ղուտ ինձ խապար արայ, որ անեմ ինչպէս պիտի անել» (նամակ 79): Եղիան

հաճախ էր հաշտնվում բարդ իրավիճակներում, գրեթե միայնակ կրելով Արեւելահայկական ընկերության Բաժնիդրի մասնաճյուղի պորժերի ծանուցւթյունը: Բորեղարը հաճախ էր բացակայում և միայն նամակներով հրահանգներ տալիս Նդիային, նրան շարունակ դնելով դժվարին կացութիւն մեջ: Այստեղից էլ՝ Մուշեղյանի դժգոհութիւնն իր տնօրէնից: Նամակներից մեկում, սովորաբար ղուսպ ծղիւն ալսալս է դրում Բորեղարի մասին. «Ոչ տեսի ի նմանէ բարութիւն, ալ՝ շարութիւն, ոչ տեսի քաղցրութիւն, ալ՝ դառնութիւն, ոչ տեսի շահ, ալ՝ վնաս, ոչ տեսի սեր՝ ատելութիւն»⁸:

Այսպիսով, տհաճ մարդկանց ու «դուշմանների» հետ փոխհարաբերութիւնները դժվարացնում էին Մուշեղյանի կյանքը Պարսկաստանում և օրեցօր նրան մղում ալդ երկիրը լքելու մտքին:

Սյուս կողմից, սակայն, լինելով եռանդուն և գործունյա անձնավորութիւն, Մուշեղյանը, ինչպես նշվեց, ակտիւ հասարակական կյանք էր վարում, «դուշմաններից» բացի ուներ և «դոստեր», որոնց միջոցով կարգավորում էր իր գործերը: Ավելին, առանձին լեհահայտների կա՛մ խմբերի խնդրանքով միջնորդում էր պետական մարմինների առջև որեւէ հարցի լուծման համար, «արդ անում» (դիմում) նույնիսկ շահին: Դիվանում պահպանվել են մի շարք խնդրագրեր ղանաղան հայցումներով⁹, որոնց առկայութիւնը հավաստում է Նդիայի հուշագրութիւն ալն տեղեկութիւնը, թե ինքը պալատական շրջանների հետ կապեր ու նիստուկաց ուներ: Դրա վկայութիւնն է նաև 1723 թ. նրա՝ Մեշեղում Ֆրանսիական ղեսպան նշանակվելու փաստը, ինչպես նաև թագավորական ուղերձները եվրոպական տերութիւններին հանձնելու սլատասխանատու գործի ստանձնումը (ալդ մասին ակնարկվեց վերը):

Նշենք, որ ուղերձների առաքման անհրաժեշտութիւնն առաջ եկավ Պարսկաստանի օրհասական իրավիճակի թելադրանքով, երր մայրաքաղաք Սպահանը պաշարած աֆղանների առաջնորդ Միր-Մահմուդը պարսից Սուլթան Հուսէյնից ստացավ նրա թագը, իսկ արքայորդի Թահմասպը, ապաստանելով Մեշեղում և իրեն շահ հայտարարելով, անգոր ճիգեր էր գործադրում՝ փրկելու իր հարստութիւնն ու երկիրը¹⁰: Միջոցներից մեկը դիտվում էր եվրոպական երկրների կողմից շահ Թահմասպի ճանաչումը և հետագա բարեկամական հարաբերութիւնների ապահովումը:

Բազավորական ուղերձների առաքման գործի ստանձնումը Մուշեղյանի կողմից պատահական չէր. քանզի նրան առաջնորդում էր մեկ ալլ՝ կարևոր դրդապատճառ: Դա նրա վաղեմի երազանքն էր հանդիպելու ռուսական ցարին և նրան հորդորելու ազատագրել հայերին թուրք-պարսկական գերիշխանությունից: Այդ էր պատճառը, որ Նղիա Մուշեղյանի պատվիրակությունը հայտնվեց Ռուսաստանում: Նղիան նախապես դիտեր, թե ինչ վտանգներով է դա հղի (խնդրեց շահից գրություն՝ ուղղված ցարին, որ «ճամփա տա» պատվիրակությանը»¹¹, բայց դա չկատարվեց, պարզ է՝ պալատում տիրող հակառուսական տրամադրությունների պատճառով): Ուրեմըն, գիտակցաբար «գնաց ռիսկի», քանի որ նրան հուզում էր ազգի ճակատագիրը, մի բան, որ վաղուց էր արմատներ գցել լայնախոհ, Հ.Ոսկյանի խոսքերով՝ «մեծապէս ազգասէր եւ... հայրենասէր» վաճառականի հոգում:

Դեռևս պատանեկան հասակից Նղիային հրապուրում էր Իսրայել Օրու գործունեությունը հայերի ազատագրման ուղղությամբ:

Իր շրջագայությունների բնթացքում Նղիան, հավանաբար, հանդիպում է նրան (1708 թ., երբ Օրին դեպի Պարսկաստան ուղեվորվելիս իջևանում է Շամախիում), միևնույն ժամանակ ծանոթանում իր ապագա տնօրենի՝ Ֆրանսիացի սպա Բորեգարի հետ, որն Իսրայել Օրու պարսկական դեսպանության կազմում էր:

Նղիա Մուշեղյանի քաղաքական կողմնորոշման վրա, անշուշտ, ազդեցություն պիտի ունենար սոցիալ-քաղաքական այն մթնոլորտը, որ գոյություն ուներ պարսկահայոց և, ընդհանրապես, հայության մեջ XVIII դարի առաջին տասնամյակներին:

Ինչպես հայտնի է, հայ ազատագրական շարժման մեջ ռուսական կողմնորոշումը ձևավորվեց աստիճանաբար: Հարկ եղավ նախ Նվրոպայում տարիների դռնաբախումների մի շրջան՝ ապարդյուն վախճանով, որպեսզի հայ ազատագրական շարժման կողմնորոշման մեջ ի դեմս նրա ռազմիրա Իսրայել Օրու շրջադարձ կատարվեր դեպի Ռուսաստան: Բայց դա գործի միայն սկիզբն էր, առջևվում ինքնահաստատման ճանապարհն էր: «Վալեհրազական ճանաչված աղբյուրներից և ոչ մեկը,— գրում է հարցիս հմուտ գիտակ Ա. Հովհաննիսյանը,— ԺԸ (18-րդ) դարի սկզբներում չի վկայում ռուսական օրինատացիայի ժողովրդականության մասին»¹²: Մեծ ջանքեր պահանջվեցին Իսրայել Օրուց և Մինաս վարդապետից՝ հա-

մոդելու հայ հոգևորականութեանը և մեկիքներին՝ կանգնել հայ ազատադրական պայքարի ուսական կողմնորոշման դիրքերում, քանդի հայ դեկավար շրջաններում դեռևս ամուր էր ազատագրման հույսը նվիրապալից: Հոգևորականությունն օգնություն էր ակնկալում ավելի շուտ Հոռոմից, քան Ռուսաստանից¹³:

1707—1711 թթ. Օրին, լինելով Պարսկաստանում և ապա՝ Անդրկովկասում, դղալի ներգրում ունեցավ հայ ազատագրական գաղափարի արմատավորման և ժողովրդի մեջ Ռուսաստանի նկատմամբ համակրանքն ուժեղացնելու գործում¹⁴: Սակայն, ի վերջո, Պարսկաստանում քաղաքական անցուդարձի նոր ալիքը՝ կապված 1722 թ. աֆղանների հարձակումների և նրանց հաջորդած՝ Սեֆյան հարստության անկման հետ, օբյեկտիվ պայմաններ ստեղծեց ուսական կողմնորոշման հարցում բոլոր տատանվող շերտերի համար՝ հաստատապես ապավինելու այդ երկրի օգնությանը: Հայ առևտրական դասի համար Պարսկաստանում ստեղծված խիստ դժվարին պայմաններն ավելի տեսանելի էին դարձնում հայերի առևտրական արտոնությունները Ռուսաստանում: «Ռուսական օրինեստացիան խմորվեց 1720-ական թվականների շուրջը, — նշում է Ա. Հովհաննիսյանը, — երբ նեղված պարսից դեմ ապստամբած ցեղերից, հայ կղերի և մեկիքության մի խոշոր հատված հարկադրված եղավ փարել ուսանների օգնությանը և նրանցից փրկություն հուսալ»¹⁵:

Այսպիսով, նոր քաղաքական կողմնորոշման գաղափարն իր ծննդից հետո դժվար ճանապարհ անցավ՝ իրենով համակելու համար հայ հասարակական բոլոր խավերին: Այլ խոսքով, մինչև 1720-ական թվականների սկիզբը «ռուսոֆիլ» հոսանքի հունը չափազանց նեղ էր: Դրանով իսկ առավել արժեքավորվում է այն անհատների դերը, որոնք այդ հունի մեջ հայտնվեցին: Եվ Եղիա Մուշեղյանը նրանցից մեկն էր: Ոչ ոք չի պատրաստվում վերջինիս համեմատել Իսրայել Օրու հետ: Սակայն անվիճելի է, որ Եղիայի պես ուսամետ և միաժամանակ ազգասեր ու հայրենասեր մարդկանց կարիքը չափազանց մեծ է եղել հայ իրականության մեջ ուսական կողմնորոշման խմորումների շրջանում, և նրանց քանակը ուղիղ համեմատական էր այդ շարժման աճին:

Քանի որ Օրու անձի շուրջ ստեղծվել էին իրարամերժ կարծիքներ¹⁶, իսկ պարսից արքունիքը բացասական դիրք ուներ նրա նկատ-

մամբ, անհրաժեշտ էր հակազդեցության պատշաճ ուժ՝ հաղթահարելու այն պատենշը, որի ետևում Օրու հակառակորդներն էին, իրանահայ հարուստների «չարամտությունն» ու նրանց լրտեսները, առանձին անձանց ու խմբերի թշնամական վերաբերմունքը¹⁷:

Հակազդող ուժեր, անշուշտ, գոյություն ունեին, նույնիսկ՝ պարսկահայ հարուստ վաճառականների շրջանում: Սակայն Օրու գործը պահանջում էր առավել ստվար բանակ, նրան հավատ ընծայողների, նրա գործունեության արդյունքն օրեցօր սպասողների, մի խոսքով՝ նվիրյալների բանակ: Եղիա Մուշեղյանը, փաստորեն, այդ նվիրյալներից էր: Պատահական չէ, որ 1709—1710 թթ. Օրու շուրջըն ստեղծված մթնոլորտը նկարագրելու համար Ա. Հովհաննիսյանն իբրև կարևոր աղբյուրներից մեկը վկայակոչում է Մուշեղյանին. «Թե ինչ մթնոլորտ էր ստեղծված այս պահին Օրիի շուրջը՝ ակներև է նաև նույն այդ ժամանակ նրան Շամախում դիմավորած լատինադավան առևտրական Եղիա Մուշեղյանի վկայությունից»¹⁸, որին հետևում է Եղիայի ուխտը՝ Պետրոս Բագավորի նկատմամբ իր նվիրվածության հավաստիքը: Ա. Հովհաննիսյանը համոզված է, որ Մուշեղյանը Պետրոս Մեծի հայանպաստ տրամադրության մասին «հաստատապես լսած կարող էր լինել... հենց Օրիից»¹⁹:

Գիտական գրականության մեջ Եղիա Մուշեղյանին անդրադառնում են իբրև վաճառականի և հասարակական գործչի, բարձր գնահատական տալով նրա անձին և դործին: Այսուհետ, սակայն, մեծ հետաքրքրողը հետազոտողների կողմից Եղիային՝ որպես ռուսական կողմնորոշման զաղափարակրի, որակումն է, որը չի նկատվում, ավելի ճիշտ՝ որը, թեև, ուղղակիորեն չի տրվում նրան, սակայն աներկբայորեն բխում է նրան հասցեագրված գնահատականներից:

XVIII դ. հայ-ռուսական հարաբերությունների վերաբերյալ վավերագրերի ժողովածուի մեջ Մուշեղյանը ներկայացվում է որպես «Խսրայել Օրու ականավոր ժամանակակիցը, որը հանդիպում է ունեցել նրա հետ Շամախում...»²⁰, խոսելով Գյանջայի բնակիչների և օսմանցիների միջև 1723 թ. պատերազմների մասին, Ա. Հովհաննիսյանը վկայակոչում է դարձյալ Մուշեղյանի տեղեկությունը, նրան անվանելով «այն դարաշրջանի երևելի հայ գործիչ»²¹: Հ. Ոսկյանը, ով 1927 թ. հանգամանորեն ծանոթացել է Մուշեղյանի ձեռագիր աշխատությանը²² և նրա մասին ուշագրավ գործ գրել՝ ձեռագրից:

ընդարձակ մեջբերումներով, նշում է, որ Եղիան «Հայաստանի ա-
ղատութեան բարձր նպատակին կը նուիրուի»²³: Նույն հեղինակի
ժանուցմամբ Եղիայի գրչին պատկանող «Վիճարանութիւն»²⁴ գրու-
թւոնը կարեւոր նյութ է բովանդակում, «վասնզի ասոց մէջ ամփո-
փուած են Եղիայի՝ իր ազգին ազատութեան համար առած քայլե-
րը»²⁵:

Եվ այսպես, վաղ հասակից Եղիան արդեն տոգորված էր աղ-
ղատական հովերով և Հայաստանի ազատագրման համար ուղի-
ների որոնմամբ: «Թէպէտ վաղուց գիտէյի,— գրում է նա,— թէ
Պետրոս թագաւորն գալոց է փրկել զազգն մեր, բայց առաջի ան-
գամն որ գնացի Շամախի եւ հաստատապէս լսեցի, թէ ամենեւին
ուռսո թաղաւորն գալոց է առնուլ յերկիրն Պարսից վասն փրկելո
յմեկ, առժամայն ուխտ եղի...»²⁶: Ի դեպ, այդ գաղափարը նրան
ղրպեցրել է ամբողջ կյանքում, և այն աստիճան, որ ինչ-որ տեղ
նա արդեն համոզված էր, որ իր միջոցով տեղի կունենա հայոց ա-
ղատագրումն օտար լծից: Նա հատկապես ընդգծում է դա իրեն
մատնող սլատրի Հովհաննեսի վարքագիծը մեկնաբանելիս.
«...Նայ տեսաւ իմ փառքն... եւ ստուգիւ զգաց, թէ իմ ձեռամբն լի-
նելոց էր փրկութիւն ազգին իմոյ, նախանձեցաւ, աճապարեաց ոչ
լինել»²⁷: Անդամ Ռուսաստանում կրած բաղում գաղութայիններից
հետո հեռանալով այնտեղից, Եղիան շարունակում է փայփայել իր
մեջ միս ու արյուն դարձած գաղափարը: Ռուսաստանից դուրս գա-
լուց հետո ճամփորդություն սկսելով դեպի Եվրոպա, Եղիան «հետե-
ւալ նստատեղիները դրած էր՝ տեսնել Եվրոպա, աշխատիլ հայ ազ-
գին ազատութեան համար, իր մասին եղած կասկածները փարա-
տել...»²⁸:

Այսքանից հետո միանգամայն հասկանալի է, երբ Եղիան մեզ
ներկայանում է որպէս անձնազոհության պատրաստ հայրենասեր,
որն իր ազգի ազատութեան և թագավորութեան դիմաց իր կյանքը
պահանջվելու դեպքում այսօթար կամօք... մատուցանեմ զանձն իմ»²⁹:
Իսկ Եղիայի հայտնի ուխտը, որի մասին հիշատակեցինք մեջբերում-
ներից մեկում, հետեւյալն է: Շամախում հաստատապէս հավաս-
տիանալով, որ, իրոք, Պետրոս Մեծը «գալու է Պարսկաստան և փր-
կելու մեր ազգն», Եղիան խոստանում է. «ուխտ եղի յանձին իմոյ
ասել յամենայն աւուր հինկ հայր մեր և հինկ ողջոյն Մարիամ...
այսու դիտաւորութեամբ, թէ Տէր Աստուած, ի տասանց կենացն ի-

մոց հատ յինէն եւ դիր ի վերայ կենացն Պետրոս թագաւորին: Տէր. տուր նմայ առաւել կարողութիւն, զօրութիւն, որ ամենայն յաշողութեամբ գայ եւ ազատէ զմեր ազգն...»³⁰: Նշենք, որ Եղիային հուզում էր ոչ միայն հայ ժողովրդի՝ ուսաց թագաւորի միջոցով աղատագրումը, այլև. ինչպես իրավամբ նկատում է Ա. Հովհաննիսյանը, հայոց թագավորութեան, պետական անկախութեան վերականգնումը, որը պարսկահայ վաճառականների միջավայրում «բազմադարյան ապրումն մի գաղափար էր»³¹:

Եղիա Մուշեղյանի քաղաքական վարքագծի վերաբերյալ Հ. Ոսկյանի հետևյալ դիտարկումը չափազանց արժեքավոր է մեր եզրահանգման հավաստման համար: Անդրադառնալով Մուշեղյանի նրկատմամբ զրպարտութիւններին, Հ. Ոսկյանը մասնավորապէս շեշտում է, որ ամենախորհարվածը, որ մեծապէս ցնցում է նրա ազգասիրական ոգին, այն զրպարտութիւնն էր, թե. «նա իր ազգին ու հայրենիքին ազատութեան թշնամի է, մինչդեռ ինքն Իսրայել Օրիի հոգով, թէեւ, ինչպէս կերելայ, գործելու կերպին մէջ բաւական տարբեր ուղղութեամբ, կաշխատէր գերութեան լուծը բեկանել...»³²: Եվ իրոք, Եղիան թեւ ոգևորված է եղել Օրու գաղափարներով և Ռուսաստանի նկատմամբ նրա հավատով ու ակնկալիքով, սակայն գործունեության կերպն ու մեթոդն այլ է ընտրել: Դժվար է անվերապահորեն մեկնաբանել Մուշեղյանի՝ նման գործելակերպի պատճառները: Սակայն ակնհայտ է այն փաստը, որ Եղիան իր ծրագրերի իրականացման համար գործում էր միայնակ, մի տեսակ մեկուսի, որ կարելի է բացատրել կա՛մ արտակարգ զգուշավորութեամբ, կա՛մ իր ուժերը գերազնահատելու մարմաջով (հիշենք նրա խոսքերը՝ «Իմ ձեռամբն լինելոց էր փրկութիւն ազգին իմոյ»): Ինչ վերաբերում է զգուշավորութեանը կամ գաղտնապահութեանը, ապա այն պարզապէս անհրաժեշտութիւն էր ազգային-ազատագրական շարժման ընթացքում: «Մայրահեղ ծածկամտութիւնն ու զգուշավորութիւնը» Ա. Հովհաննիսյանը դիտում է որպէս «Օրիի և Մինաս վարդապետի գործունեության հատկանշական կողմը...» և նշում, որ վերջիններս «սպառնցին իրենց կյանքի կարևոր շրջանը քաղաքական գաղտնի բանակցութիւնների մեջ»³³:

Ի դեպ, գաղտնապահութիւնը Եղիայի մոտ, կարելի է ասել, նաև «պրոֆեսիոնալ» հատկանիշ էր, քանի որ նամականքը, որոնցում վաճառականները միմյանց հաղորդում էին առևտրի աշխար-

հի հուլժ կարևոր դադտնիքներ, նույնպես պահանջում էին խիստ դադանապահություն և միայն հուսալի նամակատարի միջոցով էին ուղարկվում, բայց և այնպես, մեծ թվով նամակներում Եղիան զգուշացնում էր հասցեատիրոջը՝ «մարդու շասես»:

Այլ պատճառներով հանդերձ, նաև ծայրահեղ գաղտնապահության հետևանք չէ՞ր արդյոք, որ Մուշեղյանն իր գեղեցիկ հայրենասիրական դադափարներով մնաց ստվերում: Նույնիսկ Իսրայել Օրու նման մեծության անունն ինչ-որ տեղ «տուժեց» չափազանց դադտնի դործելաձևի պատճառով. մեծ ջանքերով նա իր կողմը գրավեց Եսայի կաթողիկոսին, որը, սակայն, «չկարողացավ լավ ծանոթանալ Օրիի գործերին ու ծրագրերին»³⁴: Հազիվ համոզելով կաթողիկոսին՝ դնալ Սոսկվա, Օրին, սակայն, չրացահայտեց նրան իր նպատակները... Իսկ կաթողիկոսն իր դրած պատմական հիշատակարանում անտեսում է Օրուն: Եվ, ի վերջո, այսպիսի մի ուրիշ փաստ. Պետրոս Մեծի պարսկական արշավանքից հետո հալերի կողմից Ռուսաստան առաքված բազում դրությունների մեջ որևէ «հիշատակություն չենք գտնում այն մարդու մասին, որ առաջինն էր հայերի քաղաքական ճակատագիրը Ռուսաստանի միջոցով տնօրինել կամեցողներից: Իրերի բերմամբ հայերը զնացին Իսրայել Օրիի նշմարած քաղաքական հունով՝ անծանոթ պատմական այն իռլոր դեմքին...»³⁵:

Եթե ուշադիր քննենք, նույն կերպ Մուշեղյանն է անտեսվել (որին, անշուշտ, չպետք է նույնացնել Օրու մեծության հետ, և որի գործունեությունն աննկատ մնալու ավելի վտանգներ ունենք): Գրեթե բոլոր անունները, որոնց հետ Եղիան առնչվել է 1724 թ. նամակագրությամբ, կարող ենք հանդիպել այդ շրջանին վերաբերող պարսկալեզու հետազոտություններում, որոնցում, սակայն, չենք գտնի Եղիա Մուշեղյանի անունը³⁶:

Ջարմանք է հարուցում Եղիայի գործելակերպի մեջ նկատվող հակասական գծերի առկայությունը. մի կողմից ծայր աստիճանի գաղտնապահություն, անգամ անպատեհ դեպքերում, մյուս կողմից անշրջահայաց մոտեցում իր ծրագրին ու իր անձին, որը և ճակատագրական եղավ նրա համար:

Այժմ, երբ հիմնականում մեկնաբանված են Մուշեղյանի քաղաքական հայացքները և նկարագրված նրան շրջապատող քաղաքական-հասարակական մթնոլորտը, թերևս միանգամայն պարզ

ու հասկանալի է Ռուսաստանում նրան հասած պատահարը, թեև, առաջին հայացքից՝ անտրամաբանական: Այնպիսի ռուսասեր անձնավորություն, որպիսին Նղիան էր, պետք է որ Ռուսաստանում, եթե ոչ գրկաբաց ընդունելություն գտներ, ապա, առնվազն, վտանգներից զերծ ու ապահովագրված լիներ: Սակայն չպետք է մոռանալ, որ «ռուսոֆիլ» Նղիան իր վրա էր սեփեղ Պարսկաստանի հակառուսական տրամադրությունների ալիքը, ուստի և՛ ունիթորները, և՛ պարսից իշխանությունները առիթը բաց չէին թողնի հարվածելու նրան: Դրան ավելացնենք, որ կաթոլիկ Նղիայի դեմ սուր էին ճոճում, ինչպես նշեցինք, հայ լուսավորչականները, ասել է թե պարսկահայ համայնքի լայն շրջանները, որոնք նրան կոչում էին դավաճան, ազատագրման խանգարիչ...:

Առիթը ներկայացուցավ, եվ գործի դրվեց ժամանակի միջպետական հարաբերություններում (մանավանդ՝ եվրոպա—Արևելք) ընդունված բանսարկությունների մեքենան: Բավական էր ռուսական իշխանությունների մոտ շնչալ, թե Նղիան ֆրանսիական գործակալ է, նաև դալիս է բեկանեղու ռուս-թուրքական նորերս կնքված պայմանագիրը, որպեսզի անվստահության ստվերը Նղիա Մուշեղյանի վրա կատարյալ լիներ և նրա ծրագրերն իր հետ միասին ձերբակալվեին:

Դատական գործում առկա է զեկուցագրերի, ամբաստանագրերի, վկայագրերի, մեծաթիվ հարցաքննությունների արձանագրությունների և համանման այլ գրությունների բազմություն, որի մեջ և նշվածների խաչաձև համեմատություններն են, քանի որ հեղինակները (Իսմաիլ-բեկ, Հակոբ [Яков Григорьев], Մինաս վարդապետ, կապուչին Հովհաննես [Իվան Բարտիստ], Նղիա) տարբեր կերպ էին մեկնաբանում միևնույն իրողությունը: Այս լարիրինթոսում մերթնդմերթ արձակվում էին «Ուկազներ»՝ Նղիային ու Հովհաննեսին այս կամ այն վայր տեղափոխելու մասին (Մոսկվա, Ս. Պետերբուրգ, Ուզլիչ, «որոշակի տեղ» և այլն) և ապա՝ վերջնական վճիռ նրանց վերաբերյալ:

Դատական գործում մեղադրանքների մեծ մասը պտտվում է, որքան էլ տարօրինակ թվա, Նղիա Մուշեղյանի, իբր, հակառուսական խոսակցությունների շուրջ: Զգալի տեղ է հատկացվել Հակոբ Գրիգորևի³⁷ զեկուցագրերին և նրանց պարզաբանումներին: Պակասը լրացրել են պատրի Հովհաննեսը և Մինաս վարդապետը, Վեր-

չինս, օրինակ՝ վկայել է. «Մուշեխը Նորին կայսերական մեծութեան նկատմամբ անբարյացակամ է»³⁸: Հակոբ Գրիգորեի զեկուցագրում կարդում ենք. «Նույն ինքը՝ Իլյան Նիժնիում, բարկացած լինելով, ասել է... որ Ռուսաստանում միայն քրիստոնեական եկեղեցիներ են և եկեղեցիների վրա՝ խաչեր, և զանգերը ղողանշում են, իսկ գործերով ուսաները ոչ քրիստոնյա մարդիկ են, ողջը ստում են...»³⁹:

Եղիայի «Հակառուսական պահվածքի» մասին զեկուցագրերը, հավանաբար, թույլ գտնվեցին, քանի որ հիմնվում էին միայն բանավոր խոսքի վրա, և ինքը՝ Եղիան իր պատասխաններով, նաև հայտարարություններով հերքում էր դրանք. այսուհանդերձ, անվստահության քողը մնաց նրա վրա:

Արտաքին գործոց կոլեգիայում մեծ իրարանցման պատճառ է դարձել մատնիչների տեղեկությունը շահի ուղերձների մասին, որոնք ի վերջո գտնվեցին Եղիայի «սունդուկներում». թարգմանվեցին, ուսումնասիրվեցին ծայրից ծայր և երբ համոզվեցին, որ ներանցում որևէ սպառնալիք չկա Ռուսաստանի համար, այս մասին հարցաքննությունների շղթան փակեցին:

Հատկանշական է, որ Մուշեղյանը շանում էր դատարկության սլոգանս իսկ օգտագործել իր գաղափարների որևէ կերպ արտահայտման համար, և մեղադրական դործի փաստաթղթերում հանդիպում ենք Ռուսաստանի միջոցով թուրք-պարսկական լծից հայերի ազատագրման մասին խոսքերի: Պատրի Հովհաննեսի հարցաքննության արձանագրության մեջ կարդում ենք. «Մեկ էլ այն էի ուզում հաղորդել, որ շատ քրիստոնյաներ Պարսկաստանի ներսում և հատկապես՝ հայեր, պարսիկներից մեծ նեղություններ են կրում և այդ պատճառով չէի՞ն բարեհաճի, արդյոք, նորին կայսերական մեծությունը նրանց փրկության համար իր ղորքերը մտցնել այնտեղ»⁴⁰: Ակնհայտ է Եղիայի ազդեցությունը, որն օրինաչափ է թվում այնպես, ինչպես նրա ձգտումը՝ համոզել ուս պաշտոնյաներին, թե պարսից շահը դրական վերաբերմունք ունի Ռուսաստանի հանդեպ⁴¹:

Գործում առկա են մի շարք հրահանգներ, ցուցումներ, որոշումներ, հրովարտականք՝ արդեն 1725 թ. և նրանից հետո արձակված, որոնք, որպես գերագույն վճիռ, թեկադրում են կալանավորների հետագա ճակատագիրը:

1725 թ. ապրիլի 20-ի որոշմամբ Հովհաննես կապուլչինին «մեծ թվով կասկածելի սլաոճառների բերումով» անցագիր չի տրվի ռուսական ուկրաինական տարածքով անցնելու, այլ նա կտարվի Աստրախան, ձմեռն անցկացնելուց հետո 1726 թ. կուզարկվի Դերբենդ, որտեղից՝ Պարսկաստան: Ըսկ հայ Իլյա Մուշեխին հայտարարել, որ, թեև նա ենթակա էր խոշտանգման և աքսորի, սակայն, քանի որ նա հայտարարել է, թե բարեկամներ ունի պալատում, հանուն դրա ներել նրա մեղքը, որ նա, բնակվելով Աստրախանում և թրդթակցելով, շահին լավ տրամադրի դեպի Նորին կայսերական մեծությունը...»⁴²:

Նույն որոշմամբ հայտարարվեց. Եղիային պահել հսկողության տակ, նրա և Հովհաննես կապուլչինի մոտ եղած նամակները և ուղերձները չվերադարձնել իրենց, այլ պահել արտաքին գործոց արխիվում:

Նույն որոշմամբ՝ մատնիչ Հակոբին «պատշաճ կերպով պարգևատրել և թույլ տալ գնալ ուր որ կցանկանա»⁴³:

Մեկ այլ՝ 1725 թ. օգոստոսի 6-ի որոշման մեջ ասվում է, որ Մուշեղյանի գործը լսվել է և ավարտվել, նրան հրամայված է լինել «թագուհու ծառայության մեջ» Աստրախանում⁴⁴:

Վերջին՝ 1726 թ. սեպտեմբերի 22-ի Եկատերինա կայսրուհու հրամանագրում կարդում ենք. Եղիային երկու մարդով տեղափոխել Աստրախան, պահել ըստ նախկին ցուցումի և տալ առևտրի աղատություն, որ իր սնունդն ապահովի⁴⁵:

Այս որոշումից ևս տաս տարի անց միայն Եղիան հեռանալու թույլտվություն է ստանում և 1736 թ. լքում Ռուսաստանը⁴⁶:

Կարծում ենք, Մուշեղյանի նկատմամբ դավաճանական գործողությունները հիմքում ունեին և՛ անձնական, և՛ պետական շահերից ելնող դրդապատճառներ: Ամենևին հարկ չկա այստեղ մեկ սուր մեկ վերլուծելու յուրաքանչյուր մատնիչի նպատակները, կամենում ենք միայն մեղքերել Եղիային համակրող մի վեղարավորի բացատրությունը նրա ձերբակալման պատճառների մասին: Դիմելով Եղիային, նա ասում է. «Նախ, դուն միշտ գովաբանէիր Ղուս թագաւորն առաջի պարսից... Տեսաւ (պատրի Հովհաննեսը—Լ. Դ.) զքո ջերմեռանդ սէրն ընդ Ռուստաց և յայտնին ընդ Ֆռանցիգաց, իբր թէ կամիս... միաբանել վասն Ռուստաց»: Որպես երկրորդ պատճառ նշում է, թե պատրի Հովհաննեսը ցանկանում էր հետևել պատ-

լի Բեռնարդոսի՝ Եղիայի նկատմամբ գրաված դիրքին: Երրորդ՝ որ-
դնողի Ռուսաստանում ունեցած իրենց վանքերն «ապահով ապ-
րին»: Չորրորդ՝ որպեսզի Եղիային թողնի Ռուսաստանում «կա-
լևար» և ինքն շտապի միայնակ առ շահ⁴⁷:

Այս վերջին գիտարկման կառավարությանը ավելացնենք, որ
Եղիայի և Հովհաննեսի միջև հակառակությունը վաղուց էր օտարել, և
ուղերձների առթիվ էլ նրանց միջև «մրցություն» էր զնույմ, թե ով
կղեկավարի պատվիրակությունը⁴⁸:

Եվ այսպես, հանգիստումը Պետրոս Մեծի հետ ալդուկս 'լ մը-
նաց բաղձանք, թեև Մուշեղյանը չէր կորցնում հույսը նույնիսկ ձեր-
բակալումից հետո և 1724 թ. դեկտեմբերի 16-ի նամակում գրում է
Մելքոնին. «...բարով որ թագաւորի յերևս տեսնուիք...»⁴⁹: Իսկ
Գոլովկինին գրում է, որ ինքը հույժ գաղտնի մի գործ ունի, «որ մի-
այն թագաւորին կաւեմ»⁵⁰:

Ինչպես տեսնում ենք, Եղիա Մուշեղյանի հավատամքը՝ Ռու-
սաստանի միջոցով հայ ժողովրդի ազատագրման գաղափարն ան-
հողողող է եղել. փաստորեն, նա դարձել է բանսարկությունների
զահճի հետևանս հենց իր ուսումնառ հայացքների. բայց անկախ
նրա «միանձնյա» գործողությունների մեթոդից կամ արդյունքից,
բոլոր վայրիվերումներով հանդերձ, Մուշեղյանը եղել է հայերի ա-
զատագրման ուսական կողմնորոշման գաղափարակիրն ու ջա-
տադրվող և այդպիսին պետք է ճանաչվի հայ պատմագիտության
մեջ:

LORETTA DANEGHIAN

YEGHIA MOUSHEGHIAN AS APOLOGET OF RUSSIAN ORIENTATION

In the course of the Armenian liberation movement the Russian orientation became decisive making possible the libera-
tion of Armenia from the Turkish-Persian domination. But the
idea of Russian orientation was formed step by step, initially
(early XVIII c.) having few supporters. Among the latter was
Yeghia Mousheghian—a merchant who was engaged in the po-
litical life of Persia.

Since youth Yeghia was inspired by attempts to find ways
of the liberation of Armenia. He was impressed by activities of

Israel Ori. Yeghia had chosed the individual way of struggle. He decided to negotiate with Russian tsar Piotr the Great. For this purpose he took the letters of Russian Shah Tahmasp addressed to European monarchs, in order to make use of this occasion for visiting Russia. But in 1724 he was imprisoned in Russia and spent there 12 years. The mission of Yeghia had failed.

The ideas of Yeghia Mousheghian's Russian orientation were formulized in his court documents (now in his archive, in Moscow).

Մ Ա Ն Ո Ք Ա Գ Ր Ո Ւ Թ Յ Ո Ւ Ն Ն Ե Ր

¹ Նախկին *ԽՍՀՄ-ի տվյալներով՝ «Архив внешней политики России» Историко-дипломатического управления МИД СССР, ф. 100, «Сношения России с Арменией», 1724 (այսուհետև՝ АВПР, ф. 100): Դիվանն այսուղ հանգրվանեց ռուսական իշխանությունների կողմից Մուշեղյանի՝ ձերբակալումից հետո, փոխելով մի քանի հասցե:*

² Հուշագրությունը կոչվում է «Պատմութիւն իմն կարճաոտ ի վերայ անձկութեանց Եղիայիս Աստուածատուրեան Մուշեղանց, զորս կրեցի ի ազդէն ֆռանկաց, մանաւանդ ի խարերայ կրօնատրացն և ի սուտ եխպարց և բարեկամ կոչեցելոց» (այսուհետև՝ «Պատմութիւն» կամ *Հուշագրութիւն*): Պատմական վավերագրերի այդ հավաքածուն ընդգրկում է նամակներ, հաշվեմատյաններ, պարտավորագրեր, մորհակներ ու առևտրական այլևայլ փաստաթղթեր, խնդրագրեր, նաև տարբեր բովանդակության գրքեր, թարգմանություններ և այլն:

Տարիներ ի վեր տպագրության է սպասում այդ դիվանից մեր պատրաստած և ԳԱԱ հրատարակչությանը հանձնած «Եղիա Մուշեղյանի նամականին» աշխատությունը:

³ Վերնագրված է՝ «Дело о зарестовании... армянина Ильи Мушека» (АВПР, ф. «Сношения России с Персией», д. 10 (այսուհետև՝ АВПР, д. 10):

⁴ АВПР, д. 10, л. 1а.

⁵ Անդ.

⁶ Համառոտ կենսագրությունը տե՛ս Լ. Դանեղյան, Հայատառ բանաստեղծությունների ժողովածու Եղիա Մուշեղյանի՝ դիվանում (սերիալային և Միշին Արևելքի երկրներ և ժողովուրդներ, XVI, Երևան, 1996), հմմտ. «Եղիա Կարենցու դիվանը» աշխատասիրությանը Ա. Արրահամյանի, Երևան, 1968 (այսուհետև՝ ԵԿԴ):

⁷ Այս կերպ հղումները վերաբերում են այն նամակներին, որոնք զետեղված են մեր՝ «Եղիա Մուշեղյանի նամականին» անտիպ աշխատության մեջ:

⁸ «Պատմութիւն», ք. 38բ (մեջբերումը՝ ըստ ԵԿԴ):

⁹ Տե՛ս АВПР, ф. 100, д. В—1, л. 4, 6, 7, 8, 11, 20, 26...

¹⁰ Այս իրադարձությունների մասին տե՛ս «Ժամանակագրութիւն Պետրոս դի Սարգիս Դիվանեցի» (պոետիկ Հայոց աշխարհին, 1863, էջ 81—112 և 181—212), Հակոբ Շամախեցի, Շահողական (Մաշտոցի անվ. մատենադարան, ձև. 8444, էջ

503ր—514ր), հմտ. Ս. Տեր-Ավետիսյան, Նադիր շահի արշավանքները (ըստ Հակոբ Շամախեցու), Երևան, 1940, Արրահամ Երևանցի, Պատմութիւն պատերազմացն (1721—1736), Երևան, 1938, Թամրուշի Քուլուկ Արութին, Պատմութիւն Բա՛ժաղ Ղուկո (Մատենադարան, Գիտական նյութերի ժողովածու, Երևան, 1941, իրվ 1, էջ 101—128), С. Р. Кишмишев, Походы Надир-шаха в Герат, Кандахар, Индию, Тифлис, 1889; Մախաշի Սահապի Մահամադ Խալիլ, Պատմությունների ժողովածու, Թեհրան, 1949 (պարսկերեն):

¹¹ ԵկԴ, նամակ 159:

¹² Ա. Հովհաննիսյան, Հայ-ռուս օրիննադիտայի ծագման խնդիրը, էջ 114-ին, 1921, էջ 56:

¹³ Տե՛ս անդ, էջ 62: Օրու մահից հետո նրա թղթերի մեջ գտնվել է Ալեքսանդր Կաթողիկոսի մի դրուժյունը՝ ուղղված Հոռմի պապին: Իսկ Շամախում ապրող մի չղղվիա 1702 թ. գրում է Սիմեոն Կաթողիկոսի և Նսայի արքեպիսկոպոսի մասին, որ նրանք «մեղ շատ են սիրում և արգահատանքով չեն նայում Կաթոլիկ կրոնի վրա...» (անդ, էջ 60):

¹⁴ Տե՛ս Հ. Ժամկոչյան և այլք, Հայ ժողովրդի պատմություն, Երևան, 1975, էջ 670—671:

¹⁵ Ա. Հովհաննիսյան, Հայ-ռուս օրիննադիտայի..., էջ 63:

¹⁶ Օրու մասին ամրատանությունների վերաբերյալ տե՛ս Ստանիսլավ քաղաքի հայ լատինադան եկեղեցու ավագերեց Ստեփանոս Ռոշթայի նամակը եղուփո պատեր Կրուշինսկուն, որը հանգամանալի քննությամբ հանդերձ բերված է Ա. Հովհաննիսյանի «Դրվագներ հայ ազատագրական մտքի պատմության» երկրորդ դրոքում (Երևան, 1959, էջ 584—596, այսուհետև՝ Դրվագներ):

¹⁷ Այդ մասին մի շարք վկայություններից գատ Կ. Նզյանի հրատարակած ժողովածուում առկա են Օրու թղթերը, որոնցում նա դժգոհություն է հայտնում թըշնամիներից և նկարագրում նրանց շարակամ կեցվածքը (տե՛ս Գ. Ա. Эзов, Сношения Петра Великого с армянским народом, СПб, 1898, № 25, 98, 152):

¹⁸ Դրվագներ, II, էջ 570:

¹⁹ Անդ, էջ 570—571:

²⁰ «Армяно-русские отношения в первой трети XVIII века». Сб. документов, т. II, ч. I, Ереван, 1964, с. 340.

²¹ Անդ, էջ LXVI:

— Տե՛ս ծան. 2: Զեռագիրը պահվում է Վիեննայի Մխիթարյան մատենադարանում՝ թ. 980, մանրածապավենը՝ Մաշտոցյան մատենադարանում:

²² Տե՛ս Հ. Ոսկյան, Նդիա Աստուածատուրեան Մուշեղյան և իր գրական արտադրությունների, Վիեննա, Մխիթարեան տպարան, 1927, էջ 19 (այսուհետև՝ Ոսկյան):

²⁴ Այն վերնագրված է «Վիճարանութիւն երկրորդ կամ հարց և պատասխանիք» (Ոսկյան, էջ 64):

²⁵ Անդ, էջ 65:

²⁶ Անդ, էջ 74:

²⁷ Անդ, էջ 27:

²⁸ Անդ, էջ 29:

²⁹ Տե՛ս ԵկԴ, էջ XXVII, հմտ. Ոսկյան, էջ 26, Դրվագներ, II, էջ 571:

30 Ոսկյան, էջ 26, 74:

31 Դրվագներ, II, էջ 571:

32 Ոսկյան, էջ 49:

33 Ա. Հովհաննիսյան, Հայ-ռուս օրիննտացիայի..., էջ 64:

34 Անդ, էջ 66:

35 Անդ,

36 Օր.՝ Ալի Աբբար Բինան, որը ծավալուն աշխատություն է նվիրել Իրանի քաղաքական և դիվանագիտական պատմությանը, հանգամանորեն անդրադառնում է նաև 1724 և հաջորդ թվականների ռուս-պարսկական հարաբերություններին, խոսում է մամանակի շատ գործիչների մասին, որոնց թվում են Եղիայի նամակների մի շարք հասցևատերեր (Իմաիլ-բեկ, դր Բոնակ և այլք), սակայն Մուշեղյանի մասին լռություն է (տե՛ս Ալի Աբբար Բինա, Իրանի քաղաքական և դիվանագիտական պատմություն, Բեհրան, 1337 (հեջրի) (պարսկերեն):

37 Այս անձնավորության ազդանունը Ա. Արահամյանը նշում է՝ Հարությունյան (ԵկԴ, էջ XVIII), մենք, սակայն, ընդունում ենք Փրիգորև (ինչպես մեղադրական գործում է), Գատելով Հակոբ (Յակով) Փրիգորևի՝ զեկուցագրից. նա լրտեսության հակված անձնավորություն էր և Եղիայի խմբին է միացել Աստորայում, որից հետո շարունակ հետամուտ է եղել ուսաց իշխանություններին իրազեկ պահելու Եղիայի և կապուլինի բոլոր քայլերի մասին (ԱՅՈՒՐ, 9. 10. յ. 101—104):

38 ԱՅՈՒՐ, ժ. 10, յ. 38 օժ.

39 ԱՅՈՒՐ, ժ. 10, յ. 292.

40 ԱՅՈՒՐ, ժ. 10, յ. 296 օժ.

41 ԱՅՈՒՐ, յ. 10, յ. 293, 176 օժ.

42 ԱՅՈՒՐ, յ. 10, յ. 186—186 օժ.

43 ԱՅՈՒՐ, յ. 10, յ. 187.

44 ԱՅՈՒՐ, յ. 10, յ. 261.

45 ԱՅՈՒՐ, ժ. 10, յ. 272.

46 2. Ոսկյանի ծանուցամբ՝ Ռուսաստանում կրած նեղությունների մասին Եղիան պատմում է «Ազգաբանութիւն» գրքում, որը մեզ չի հասել (այդ մասին տե՛ղեկացնում է հեղինակը հուշամատյանում):

47 Ոսկյան, էջ 27:

48 ԵկԴ, էջ XXV, 294:

49 ԱՅՈՒՐ, ժ. 10, յ. 85.

50 ԵկԴ, էջ 297: